


FUTBOLA



Rafa Alkorta.

BASALDUA

Zortzi euskal jokalaria
deitu ditu Clementek
selektziora

DONOSTIA

Javier Clemente Espainiako selekzionatzaileak, atzo eguerdian eman zuen Espainiak hilaren 31n Danimarkaren kontra jokatu duen partidurako deialdia. Partidua USA'94 Mundialerako sailkapenerako balioarria izango da, eta tekniko bizkaitarrak zortzi euskal jokalaria deitu ditu oraingo honetan: Lopetegui, Zubizarreta, Begiristain, Goikoetxea, Julio Salinas, Lasa, Alkorta eta Guerrero.

Aurreko deialdietan gertatu zen moduan, Barcelonako jokariak dira nagusi deialdi honetan ere. Guztira zortzi dira Kataluniako taldeko ordezkariek. Athleticek, Deportivok eta Real Madridek bina ordezkarik izango dituzte, eta bana Atletico de Madrid, Logroñes, Oviedo, Gijonoko Sporting eta Valenciak.

Hau da Danimarkaren kontrako neurketarako Javier Clementek emandako deialdi osoa: Alkorta eta Guerrero (Athletic), Toni (Atletico de Madrid), Amor, Begiristain, Ferrer, Goikoetxea, Guardiola, Julio Salinas, Nadal eta Zubizarreta (Barcelona), Aldana eta Claudio (Deportivo), Lopetegui (Logroñes), Hierro eta Lasa (Real Madrid), Cristobal (Oviedo), Christiansen (Sporting) eta Giner (Valencia).

BOST ORDEZKARI
SUB'21
SELEKTZIOAN

Espainiako Sub'21 selektzioari dagokionez, Javier Clementek bost euskal ordezkarik deitu ditu Espainiak hilaren 30ean Danimarkaren kontra jokatu duen partidurako, Valencia, Edu Alonso, Imaz, Yubero eta Rios alegia. Hau da deialdi osoa: Valencia eta Edu Alonso (Athletic), Imaz eta Yubero (Real), Santi eta Sotero (Albacete), Prieto (Sevilla), Velasco eta Alfonso (Real Madrid), Carlos (Celta), Rios (Betis), Acosta (Atletico de Madrid), Galvez (Mallorca), Garcia Sanjuan (Zaragoza), Santi Cuesta (Español).

SASKIBALOIA

Taugresen Zaragozaren aurka galdu beharra du kanporaketak errazteko

Irabaziz gero, ziur aski Elosua eta Real Madrid izango lirateke aurkariak

Taugresen NatWest Zaragoza hartuko du datorren asteburuan Gasteizen. Irabaziz gero, ziur aski, Baskoniak Elosua eta Real Madrid lituzke aurkari *play off*-etan, eta galduz gero, Unicaja eta Joventut. Bitxikeria da Zaragozari berdin gertatzen zaiola, Taugresekin berdinduta dagoelako.

LUIS KARLOS GARCIA / GASTEIZ

Ligako azken jardunaldia guztiz bitxia izango da, adibidez, Taugres-Baskonia eta NatWest Zaragozak elkarren aurka jokatu dutelako datorren igandean Araba pabilioian eta bi taldeei porrota komeni zaielako.

Taugres eta Zaragozak 16 garaipen dituzte, hots, Elosuak baino bat gutxiago. Leonekoek partidu erraza dute datorren igandean Ferrys Liriarren kontra eta lehen *play off*-ean Taugresen edo Zaragozaren kontra jokatu beharko dutela ia guztiz ziurtatutik daukate, eta bigarren kanporaketan Real Madriden aurka egin beharko dute.

Beraz, azken jardunaldiak erabaki beharko du Elosuaren aurkaria Gasteiz ala Zaragozako taldea den, eta gauzak honela, ez dirudi ez Baskoniak ez NatWest-ek ere datorren igandean irabaztea komenigarria ikus dezaketekin. Porrota behar duten bi taldek topo egingo dute igandean, beraz, gezurra dirudien arren.

Elosua Leon eta Real Madrid



Partidu erabakiorrenetan lan txukuna egin du orain arte Tom Copak.

OLALDE

aurkari ez dituenak askoz kanporaketa errazagoak jokatu dituzte, Unicaja Mayoral eta Marbella Joventut gailentzeko moduko taldeak baitira gaur egun.

Hala ere, guzti hau aldeaz aurretiko pronostikorik posibleenak besterik ez dira, gaur zortzi ikusi beharko baitira azken emaitzak. Edonola, gainera, Taugresen garaipenak lortzeko nahia argi eta garbi azaldu zuen herenegun Madril.

Alderantziz, Iriarte kanporaketetarako prestakizunak egiten hasia da, Estudiantesi aurre egin baino lehenagoko egunetan Tom Copak eta Roland Gray estatubatuarrekin izandako 'solasaldiek' fruituak eman dituztelako.

Tom Copa berriro goian

L.K.G. / GASTEIZ

■ Tom Copak bi hilabete eman ditu ACBn. Real Madriden aurka estreinaldia egin eta egundoko partidua eskaini zuen. Kritikoek ziotenez, astebete emanda Breoganen kontra maila finkatzeko azterketa pasa beharra zuen eta ederto pasa ere. Esamina bikain batez gaudituta, 'lotara' joan omen zen Tom Copa Valvi, Barça, Elosua eta Valenciaren

aurka. Lau neurketa horien salbuespen soila izan zen erdian Kopan Barcelonaren aurka izugarri ondo aritu zela. Hortaz, argi dago *marine*-ak partidu garrantzitsuetan gogor ibiltzen da kiela: Real Madriden kontra iristean, Breoganen aurkako errebalidan, Errege Kopan eta herenegun Madril. Azken honek, antza, esan nahi du *play off*-etan bete-betean jarduteko prestatzen ari dela.

Santano diputatua gaur elkartuko da Askatuak eta Loiola Easo taldeekin

E. ESNAOLA / DONOSTIA

Gaur bilduko da Gipuzkoako Diputazioko Gazteria eta Kirol diputatua den Jose Antonio Santano, Askatuak eta Loiola Easo taldeekin. Santanoren asmoa bai gizonezko eta bai emakumezkoetan goiko mailan talde bakar bat egotea da, bi talde egoteak «ez duelako inolako zentzurik».

Ez da bi taldeekin batera bilduko, aparte baizik. Arratsaldeko 5.00etan Askatuak taldea hartuko du eta 6.00etan Loiola taldea. Bi talde hauek ez diote erantzun-

go, oraindik ez dutelako proiektuaren xehetasun handirik eza gutzen. Egun batzuk pasatuko dira erantzuna jakin ahal izateko. Aurreko astean Loiolako lehenakaria den Santiago Aramendi ezkor ageri zen, proiektua aurrera ez dela aterako esanez, eta «Askatuak-ek ez du nahi» aipatu zuen. Dena den, Askatuak gauza guztiak aztertzeke prest dago.

IGOERAKO
FASEKO MULTZOAK
ZEHAZTUTA

Emakumezkoen dagokienez, bilera atzo egitekoa zen bai-

na Santanok ezin zuela eta, bihar arte atzeratu da. Berekin bilduko dira Lasarte-Oria eta Juven.

Caja Bilbaok eta Askatuak-ek talde berebean jokatu dute ACBra igotzeko fasea. Bilbotarrak bigarren geratu dira eta donostiarrak zazpigarren. Berekin batera hirugarren, seigarren, hamargarren eta B multzoko aurrena ariko dira, hots, Gran Canaria, Monte Huelva, Las Rozas eta Cornella. Alean Guadalajara, Viña Costeira, Canarias, Granada, Gandia eta B multzoko bigarrena izan den Darocak jokatu-

dute.

Talde bakoitzeko lau aurrenak sailkatu egingo dira igoerako *play off*-ak gurutzatuta jokatzeko, hau da, A leko aurrenak A2ko laugarrenaren kontra, A leko bigarrenak A2ko hirugarrenaren kontra, A leko hirugarrenak A2ko bigarrenaren aurka eta A leko laugarrenak A2ko aurrenaren kontra, gehienez hiru partidura. Gero finalerdiak ere gurutzatuta, gehienez bost partidura. Bi irabazleak igoko dira ACBra. Fase hau asteburu honetan hasiko da.